

Biografija predsjednice Općinskog suda u Tuzli

Rođena je 09.novembra 1981.godine u Gračanici, gdje je završila osnovnu školu i Opću Gimnaziju „Dr. Mustafa Kamarić“. Pravni fakultet Univerziteta u Sarajevu završila je 06.juna 2005.godine. Nakon završetka studija upisala je magistarski studij na Katedri za krivično pravo Pravnog fakulteta Univerziteta u Sarajevu, a magistarski rad na temu „Međunarodne kriminalne organizacije“ odbranila je 06.maja 2010.godine.

Dana 28.12.2010.godine položila je pravosudni ispit pred Federalnim ministarstvom pravde u Sarajevu, a u martu 2011.godine položila i advokatski ispit.

Profesionalnu karijeru započela je 15.septembra 2005.godine u Ministarstvu unutrašnjih poslova Tuzlanskog kantona, gdje je radila kao policijski službenik. Iskustvo stečeno u oblasti sigurnosti i unutrašnjih poslova predstavljalo je značajnu osnovu za njeno dalje profesionalno usmjerenje prema krivičnom pravu i pravosuđu.

Za sudiju Općinskog suda u Tuzli imenovana je 13.juna 2016.godine. Tokom sudijske karijere pretežno se bavila krivičnopravnom materijom, postupajući u predmetima iz oblasti krivičnog prava. U okviru kontinuiranog stručnog usavršavanja učestvovala je na brojnim seminarima, konferencijama i drugim stručnim skupovima iz oblasti krivičnog prava kao i na edukacijama značajnim za unapređenje znanja i vještina potrebnih za rad u pravosuđu.

Dana 05.marta 2026.godine imenovana je za predsjednicu Općinskog suda u Tuzli.